



euskalmendizalefederazioa

FEDERACION VASCA DE MONTAÑA
BASQUE MOUNTAINEERING FEDERATION

MENDI LASTERKETEN ARAUDIA

2.5. MENDI LASTERKETA BERTIKALA

2.5.2 EUSKADIKO MENDI LASTERKETA BERTIKALEN KOPA

2.5.2.1 Proben kopurua hauxe izango da: hiru gutxienez eta sei gehienez. Proba horietako bakoitza egun bakarrean egingo da.

2.5.2.2 Probek bakarkako izaera izango dute. Parte-hartzaileek Euskadiko Mendi Lasterketa Bertikalen Kopako lehen proba egunerako gutxienez 16 urte beteta izan behar dituzte. Lehiaketetan parte hartzeko, adingabeek beren tutoreen baimena aurkeztu behar dute.

2.5.2.3 Proben irteerak horrela egin ahal izango dira:

a/ Denak batera. Elkarren segidan lerro bat baino gehiago ezarri ahal izango dira, kategoria edo maila bakoitzerako bat, eta/edo sailkapen zerrendaren edo lehen postuen arabera ezarri ahal izango dira lerroak.

b/ Bakarka. Lehiakideen artean 30 segundotik bi minutura arteko tartea ezarriko da, antolatzaileen irizpidearen arabera, eta EMFko arbitroekin adostuta, betiere.

2.5.2.4 Euskadiko Mendi Lasterketa Bertikalen Kopan puntuak lortzeko, partaide guztiek EMFren urte horretako lizentzia izan behar dute, edota beren autonomia erkidegoko edo herrialdeko federazioaren lizentzia izan behar dute, eta erantzukizun zibileko aseguru kontratatuta dutela eta EMFk eskatzen duen estaldura baliokidea duen istripu-asegurua badutela erakutsi behar dute. Lizentziak lasterketa hasi aurretik emandakoa izan behar du.

2.5.2.5 Euskadiko Mendi Lasterketa Bertikalen Koparen eraginetarako, parte-hartzaileen artean kategoria hauek bereiziko dira:

EMAKUMEZKOAK: (absolutua, 16 urtetik gorakoak) (junior azpikategoria, 16 eta 17 urtekoak barne) (beteranoen azpikategoria, 40 urtetik gorakoak **(41 urtetik gorakoak)**)

GIZONEZKOAK: (absolutua, 16 urtetik gorakoak) (junior azpikategoria, 16 eta 17 urtekoak barne) (beteranoen azpikategoria, 45 urtetik gorakoak **(46 urtetik gorakoak)**)

- Oharra: junior azpikategoriako parte-hartzaileek ezin izango dute 1.000 metro baino gehiagoko desnibela duten lehiaketetan parte hartu.

Denboraldi osorako kontuan hartuko den adina parte hartzaileak lehiaketa izango den urte horretako abenduaren 31n duena izango da.

2.5.2.6 Kategoria bakoitzerako puntuazio-sistema:

Probaren distantzia eta desnibela gorabehera, Euskadiko Mendi Lasterketa Bertikalen Kopa osatzen duten proba bakoitzean honako puntuazioa emango da: **100-88-78-72-68-66-64-62-60-58-56-54-52-50...** (Lehen sailkatuak **100** puntu lortuko ditu, **88** puntu bigarrenak....), **2** puntura arte, eta hortik aurrera sailkatutako guztiek **2** puntu lortuko dituzte.

2.5.2.7 Euskadiko Mendi Lasterketa Bertikalen Kopan parte hartzeko, lasterketa kopuru hauetan lortu behar dituzte puntuak:

Euskadiko Mendi Lasterketa Bertikalen Kopak 3 proba baditu, proba horietan guztietan lortutako emaitzak hartuko dira kontuan.

Euskadiko Mendi Lasterketa Bertikalen Kopak 4 proba baditu, hiru emaitzarik onenak hartuko dira kontuan.

Euskadiko Mendi Lasterketa Bertikalen Kopak 5 edo 6 proba baditu, horietatik guztietatik lau emaitzarik onenak hartuko dira kontuan.

2.5.2.8 Bi lehiakideren edo gehiagoren artean berdinketa gertatzen bada, Euskadiko Mendi Lasterketa Bertikalen Kopako azken lasterketan lortutako emaitzarik onena hartuko da kontuan.

2.5.2.9 Euskadiko Mendi Lasterketa Bertikalen Kopa amaitzen denean eta azken probako sari-banaketa bukatzen denean, txapeldunak, txapeldunordeak eta hirugarren sailkatutakoak izendatuko dira, eta dagozkien garaikurrak, sariak eta diplomak emango zaizkie.

EUSKADIKO MENDI LASTERKETA BERTIKALEN KOPA – 2010. URTEA

SARIAK

EUSKADIKO MENDI LASTERKETA BERTIKALEN KOPA:

- 1. sailkatuak, kategoria absolutuan eta beteranoen azpikategorian: urrezko domina eta 300-€.
- 2. sailkatuak, kategoria absolutuan eta beteranoen azpikategorian: zilarrezko domina eta 200-€
- 3. sailkatuak, kategoria absolutuan eta beteranoen azpikategorian: brontzezko domina eta 100-€

- 1. sailkatuak, junior azpikategorian: urrezko domina eta 150-€
- 2. sailkatuak, junior azpikategorian: zilarrezko domina eta 100-€.
- 3. sailkatuak, junior azpikategorian: brontzezko domina eta 50-€